

北洋官報

目錄

宮門抄

交旨

奏議◎民政部奏請給警官季俸摺△又奏派署知事片
 △度支部奏籌辦湖北土稅辦法摺△鄂督陳夔龍
 諮局籌辦處摺
 公體◎督憲札一件△多倫縣票一件△深澤縣票一件
 房山縣詳一件△鉅鹿縣票一件
 文告三則△電報五則△初開十則
 要件◎憲政編查館奏定選舉章程
 戊申官報目錄

本日增刊戊申官報目錄一頁
 本局第十八期法政學報已出

宮門抄

正月十三日 召見軍機 松公請假十日 洵貝勒等遞封奏一件 外務部代遞唐紹怡奏摺三封

交旨

正月十三日 軍機大臣欽奉

諭旨載洵等奏謹擬修理 西陵梁格莊行宮各處工程辦法繪圖開單呈覽一摺著依議圖留覽單併發欽此

奏議錄要

民政部奏援案請給八九品警官季俸摺

奏為臣部廳區八九品警官遵章改為咨補仍懇 恩准援案給與季俸以資激勸恭摺具陳仰祈 聖鑒事

竊前巡警部創設之時警政萌芽需材任使曾於光緒三十二年九月間將內外城總分廳警官奏請派署一次嗣

經改爲民政部又於三十三年正月間援案續行遴員奏請添派試署警官一次先後欽奉 諭旨允准旋於三十三年正月二十二日奏定內外城廳區職掌員缺章程內聲明警官七品以上者奏補八品以下者委用咨部各等語查八九品警官分隸各廳區執行警務與五六七品者職守本屬相同當部務未定之先歷經奏署有人並咨由度支部查照八旗奉 旨署理職任官員無本任俸者照署缺給俸之例將臣部五品以下奏署各員一律支給俸項辦理有案現在臣部委用八九品警官遵章將各官銜名咨送吏部作爲補用查法部大理院八九品錄事及臣部八九品錄事均經奏明給與季俸奉 旨允准在案自應援照籲懇 天恩俯准將臣部廳區八九品警官遵章咨補之員按品給予俸銀俸米統歸春秋兩季造冊領放以歸劃一如蒙 俞允卽由臣部咨行吏部度支部欽遵辦理所有援案請給八九品警官季俸緣由是否有當謹恭摺具陳伏乞 皇上聖鑒訓示謹 奏光緒三十四年十二月二十二日奉 旨依議欽此

又奏派署外城左分廳知事片

再臣部前奏定內外城巡警廳官制章程內開內外城總廳設總務處僉事一員分廳各設知事一員等語竊查外城左分廳知事祝書元前經派署外城總廳總務處總僉事遞遣外城左分廳知事一缺派五品警官曾維藩署理於本年三月十三日具奏奉 旨依議欽此欽遵在案查該員曾維藩現經奏補外城右分廳知事所遺左分廳知事一缺自應派員署理以專責成茲查有外城總廳六品警官朱德裳堪以派署俾重職守而免曠誤理合附片陳明伏乞 聖鑒訓示謹 奏光緒三十四年十二月二十二日奉 旨依議欽此

度支部奏議覆督辦土藥統稅大臣等奏遵解湖北土稅撥款照章辦理摺

奏爲遵 旨議奏恭摺仰祈 聖鑒事光緒三十四年十二月初八日內閣抄出督辦土藥統稅事務柯達時

等奏遵解湖北土稅撥款並陳明以後照章辦理一摺奉 旨度支部議奏欽此欽遵到部原奏內稱臣等奉

旨飭將湖北已解之賠款仍設法補解等因欽此遵即如數解清旋准度支部咨以核定抵補辦法奏准自本年九月起至明年八月止由部局按月解鄂七萬兩以解足八十四萬兩爲度俟一年期滿核辦等因咨行到鄂自應遵照辦理惟徵稅與禁煙決無兩全之策近日論禁煙則僉稱爲盛舉論撥款則咸指爲要需申禁將近兩年停辦已經數省而斤斤計較仍以原額相繩各局若能取盈則禁煙更復何望湖北係創辦省分行銷土藥正稅全數撥還仍照章不及遞減現查自光緒三十二年五月分開辦起至本年八月分止計二十八個月共銷土藥二萬一千八百一十二擔八十九斤一兩六錢而撥款則已解過銀二百八十萬兩以每擔正稅百金計算實溢解銀六十一萬八千七百一十兩九錢均係挪用解部正款又宜昌局卡開辦以後發給員弁薪費銀三十三萬六千四百二十兩七錢零悉由分局借支應在以後撥款內扣除以上二款共溢解銀九十餘萬兩爲數太鉅且應扣除本年九月以後薪費卽一年不解尙屬有盈原奏未經提及碍難報銷應由部分別核覆至宜昌稅銀前由升任督臣張之洞體恤商艱定章准三月後完繳鄂贛撥款亦以三月爲期上年湖北需款甚殷商酌提前撥解故分局稅尙未收而總局銀已先墊當時收數尙可通融近則無從周轉卽如本年八月之款分局須十一月始能解省部中未經查明遽以相責欽奉 諭旨勉爲代籌並經撥解九十兩月銀十四萬兩惟嗣後收數益少應付爲難必須三月後方能照撥至按月解鄂七萬兩擬將湖北每月銷數報部查核萬一銷不足額無款可籌仍由度支部設法維持總期鄂款有著不必定與部局爲難再明年係有閏之年應按三十三日勻撥等語臣等伏查財政處會同臣部奏定土藥統稅章程以鄂係創辦膏捐省分該省撥款按照行銷擔數將每擔正稅一百兩全數歸鄂嗣該省請歲撥銀一百二十萬經財政處咨明如果銷至一萬二千擔應准照撥不及遞減局費等項由所撥款內扣除此鄂省撥款定章也本年九月湖廣總督陳夔龍以土稅緩解償款無著奏請總局籌解足額督辦統稅大臣柯逢時等覆奏以鄂局提前溢解銀八十餘萬兩部撥滇餉江北餉湖北兵工廠款百二十餘萬又值實行禁煙收數銳減照數撥解鄂款實苦難支經臣部通盤核計鄂省派認賠款一百二十萬向由膏捐籤捐銅幣盈餘三項如數動支本非專指土稅撥款惟鄂係創辦膏捐省分核計該省藥稅先以鹽斤加價及牌照捐抵補兩項所入約歲可得銀四十萬兩卽定爲自本年九月起至明年八月止按月籌解以解足八十四萬兩爲度共一百二十四萬兩以之抵作賠款一百

二十萬兩已屬有餘而籤捐及銅幣盈餘尙不在內俟一年屆滿再行核辦並聲明此係鄂省特別辦法他省不得援以爲例等因奏奉 俞允分咨遵照在案今據該督辦等奏稱前因查土稅盜收皆係解部專充練兵經費在該督辦等遵守定章固屬言之有據惟自開辦統稅兩年以來先由湖廣總督與該督辦等商酌提前撥解至溢解銀九十餘萬兩之多今欲以從前溢解之款於以後撥款內扣除勢固有所難行而此次臣部奏定解鄂之數特爲該省償款寬留有餘亦係權宜辦法臣等公同酌擬將從前溢解鄂款銀九十餘萬兩准其暫緩扣除至此後鄂省撥款能否按照定章辦理應由該督辦等與湖廣總督就近商酌總期練餉賠款兩無貽誤是爲至要所有遵旨議覆緣由理合恭摺具陳伏乞

皇上聖鑒謹 奏光緒三十四年十二月十七日奉

旨依議欽此

湖廣總督陳夔龍奏遵設諮議局籌辦處摺

奏爲湖北省遵設諮議局籌辦處謹將辦理大概情形恭摺具陳仰祈 聖鑒事竊查光緒三十四年六月二十

四日奉 上諭欽奉

諭旨諮議局爲採取輿論之所并爲資政院豫儲議員之階議院基礎即肇於此

著各督撫迅速舉辦實力奉行自奉到章程之日起一年內一律辦齊等因欽此旋於八月初三日奉准憲政編查館咨開現在諮議局尙未成立各省應就省會地方先行設立該局籌辦處欽遵

創辦其事等語并原奏清單咨行前來臣敬摺

廟謨深維治本兢兢夙夜彌切屏營當就前督臣趙爾巽奏

設諮議局創辦所照改爲籌辦處分別派委湖北布政使李岷琛提學使高凌霄按察使楊文鼎爲總辦在籍法部

主事姚晉圻丁憂試用道周雲爲坐辦丁憂翰林院編修夏壽康 奏調翰林院編修張國溶法部主事湯化龍丁

憂候補知府陳樹屏爲參事率同在處提調科長科員切實籌畫辦理臣仍隨時督飭遇事推求計開辦以來於今

數月用敢撮其崖略敬爲我

皇上陳之諮議局事屬創始籌辦祇限一年而凡百皆應備具成立後之善否實

爲籌辦時之疏密基之千條萬緒極爲紛繁而核其要歸莫重於調查選舉兩事使入手之初淆雜無等則差以毫

釐者勢必謬以千里不綢繆於先事懼鹵莽於臨時宜於豫備之中區爲全體分期二義其全體之豫備有二則確

定期限統一規則也是也查選舉之前調查尤須明確機關未備條教爲先鄂境多山交通不盡便利必須計算文書

到達之後乃爲施行起限之時現定正月十五月初選三月十五日複選日期太促疏舛堪虞但使不誤明年九月初一日開局限期自可量爲推展擬定四月十五日爲初選期六月十五日爲複選期又慮奉行者翫於具文而凡民難與圖始所有調查申報等事斷以道里最遠之率爲一律告成之歸後先各有定程序不容差誤并隨時核記功過俾利推行此確定期限之辦法也原章關於調查選舉各項規則由初選複選監督訂定惟憲政初基得人不易諮議局以省會爲標準一省之內斷不容稍有紛歧倘由各監督分擬條規異同實所難免間逢抵觸又起紛更日期無可轉移何暇互相糾正所有調查選舉詳細規則均經飭籌辦處分項擬定由臣覆核通飭一體遵行地方之繁簡攸殊民情之通塞或異務令遵循塗徑庶免南轅北轍之虞此統一規則之辦法也分期之豫備有三有關乎調查前者有關乎選舉時者有關乎議事確定後者選舉事項在各國爲通例在中國爲肇端憲政編查館所定諮議局章程密轍萬端諸煩解剖調查之初非使身當其任者了於胸臆則枝節橫生選期難待因先於籌辦處附設選舉研究所擇在省候補中明白事理各員研究選舉事宜已於十月畢業分派各廳州縣爲初選司選員會同初選監督辦理初選一切事務複選派籍隸本省留日法政專科畢業各生分赴各府直隸州爲選舉襄理員襄理複選一切事務并飭各屬選派調查員前赴該管府直隸州講演章程解釋疑義然後各回所屬調查此分期豫備之一也選舉既屬創行則凡選舉人之職任選舉之關係與夫辦理選舉之程式倘未能澈上澈下明白於心非疑慮不前卽張皇失措因飭刊白話告示廣爲曉諭一面由襄理員司選員邀集所屬調查員及管理監察員練習投票開票一切辦法或以講演或以接談總期僻壤窮鄉咸曉然於選舉權及被選舉權之重要此分期豫備之二也諮議局爲人民與聞政事之始基原章第二十一條所列各項以關繫最鉅最要之事實諸數十議員其擔負之重可知雖湖北風氣夙號開通而全局綱維所在苟一事未能整澈則衆情不免游移自非豫儲成材不足以資因應擬於複選確定後在省設議員講習所招集各議員先期來省講習稍資歷練期得完全議會同體忠愛共體時艱此分期豫備之三也以上各節惟議員講習所須待明年七月設立規則當續行擬定其餘應行豫備之事章程條告均經節次通行辦理選舉人員刻亦分赴所在地方舉辦此後仍當督同在事各員按期責效嚴定考成斷不容稍有遷延致誤成立至建築諮議局房屋現方飭令詳細繪圖核實估計一俟妥晰議定再當專摺奏明其該處

開辦以及常年各項經費業經飭司陸續籌撥懇
辦處及辦理情形理合恭摺具陳伏乞
皇上聖鑒訓示敕下立案施行謹 奏宣統元年正月初八日奉

恩准予作正開銷除分咨外所有湖北省城遵設諮議局籌
旨該衙門知道欽此

公牘錄要

督憲楊據洋灰公司稟送分運執照式樣通咨各省備案文

為咨會事據直隸啟新洋灰有限公司稟稱竊職公司經售洋灰各貨擬援湖北製麻局辦法刊給分運執照稟呈
式樣一案奉批據稟并單均悉該公司運銷各貨照章祇在唐山完納徵稅一道其沿途關卡概免重徵擬請援照
湖北製麻局定章刊用分運執照凡運各貨隨時填發起運以便經過各關卡查照驗放免致留難應准照辦仰即
照式刊印呈候分行飭遵繳等因蒙此茲遵由職公司刊印分運執照式樣稟呈一百張仰懇 憲台通咨各省
督部堂 撫部院飭發各關卡釐局備案嗣後凡遇商人購運職公司之貨持有此項分運執照查無夾帶影射應
即一律加戳放行以符定章而免羈滯理合稟請察核咨行實為公便等情除批示外為此咨會請煩查照施行

多倫廳阮丞忠極稟辦理選舉事宜文並批

敬稟者竊查前奉 憲台札飭以各省諮議局事關要政迭奉

諭旨飭令尅期舉辦復准 憲政編查館咨

開先行設立諮議局籌辦處特於天津地方設立並派司道監理其事督飭地方官一律舉辦令即遵辦辦理等因

並蒙諮議局籌辦處頒發選舉票式章程並期限清單等件到廳蒙此遵查卑廳塞外孤懸戶多散居且各寄者多

土著者少而於讀書明理能及格者則尤少加以奉文較遲選舉殊匪易是以僅止選派講習員嚴文光崔成烈

之員赴宣聽講旋准司選員劉彭齡來廳講習員亦即回會同卑職當即擬發初選告示一面選派嚴文光崔成

烈嚴文壇邢勤李翻鞠煥章六員為調查連日研究選舉調查辦法即令隨帶選舉調查表分赴四鄉調查現據陸

續回語計共選舉及格者二百零二人已於十二月初六日遵飭造冊牒送宣化府彙送在案除將應辦事宜依限

次第舉辦稟報外所有遵飭辦理選舉情形理合稟請 大帥查核肅此具稟恭請 勛安伏乞 垂鑒

督憲楊 批據稟已悉仰諮議局籌辦處查照飭知此繳

深澤縣孫令鏡琇稟辦理選舉名冊告成文並批

敬稟者竊卑縣遵飭辦理選舉事宜業將辦過第一期第二期選舉調查情形稟蒙 憲鑒在案伏查卑縣本屬小治轄境甚狹僅百數村莊迭經督飭調查員認真勸導並不時會商司選員激勵獎勉昨據調查員郭銘李儒彬張文紹等稟稱統計城鄉全境共填發選舉人資格表一千二百二十一分均係遵照原定章程公務成績出身官階資產四項切實調查造具選舉人名冊四分懇請分別存案依限轉送前來卑職覆加查檢按名考核該員等調查事項尙屬詳實以卑縣蕞爾彈丸地方偏陋選舉人資格竟能得一千餘名之多卑職初料所不及堪以仰慰 大帥慎重選舉殷殷期盼之至意除將名冊照章存留一分備案其餘三分於十二月初九日申送本州核辦並函知司選員查照外所有卑縣辦理選舉第三期名冊告成依限轉送緣由理合馳稟 大帥查核肅此具稟恭敬 助安伏乞 垂鑒

督憲楊 批據稟已悉仰諮議局籌辦處查照飭知繳

房山縣鮑令同祖詳設自治學社文並批

爲詳請事光緒三十四年十月十六日據卑縣自治學社紳衿王邦屏常履一趙連城趙宗瀛李樹嘉李霖王邦理韓世賢稟稱竊維立憲之預備以地方自治爲先而自治之人才由學社研究而出今我國憲政方在萌芽時代非有新學以發明之立社以考究之雖日求合格之人民終必難期效果學社者所以造就公民之資格即以培養兩會之才也伏查立憲各國制度完善官治團體與自治團體分之兩不相妨合之互相爲用實堪令人則法故不揣譎陋按 督憲札發通行章程與現在地方情形酌擬簡章二十一條伏乞轉詳立案等情據此除仍由卑職隨時督飭認真經理日求進步外所有縣紳王邦屏等創立自治學社緣由是否允協擬合具文連送到章程詳請 憲台查核立案爲此備由繕冊具呈伏乞 照詳施行

督憲楊 批如詳立案仰自治總局查照飭知繳摺存

署鉅鹿縣葛令龍三稟請轉飭卑縣織工傳習所將所內辦理情形並售賣呈狀錢數報縣核轉請示遵文並

批

敬稟者案蒙工藝總局憲札催以前奉 憲札轉准 農工商部咨送工藝調查表式令即遵照查明本年所辦工藝局所情形按照前發表式詳細造報其歷年成品若干銷售若干及歷年本息贏絀若干均應逐細填註明白以資比較限十二月初間一律造送彙轉等因蒙此遵即移行卑縣織工傳習所查報去後旋准該所函稱以該所係隸南宮縣城內長蘆冀州等善後興利總局管轄將文件奉繳等因到縣卑職隨卷查卑前縣涂令任內接奉 憲札因產確各州縣自確池平毀後小民無以為生亟應籌辦工藝等事為善後之計等因經涂令會同左令運樞將籌議情形並將卑縣原設工藝局內各項傢具及官賣呈狀款項一併歸入稟明在案自應不分畛域認真舉辦以期工藝發達仰副 憲台為民興利之至意茲當年終造報之時移准該所以前函相覆細繹函情似有不願卑縣調查之意然所收呈狀錢文乃是民間膏血向歸該所經營售賣統計常年入款亦尚不少如不詳細查明呈狀保結紙數及所收錢項確數恐萬一書吏人等從中舞弊轉致無從查察殊非慎重公款之道且該所製造布疋並銷售物品盈絀各情亦無憑列表造送卑職再四思維若竟置之不問則有違 憲諭若徑行移查則任催罔應進退實覺為難可否仰邀 憲裁轉飭該所嗣後將前項呈狀錢數暨所內辦理事宜按月報縣或按季報縣備查以歸核實而憑轉報所有卑縣織工傳習所未能依限造報緣由理合稟請 大帥查核俯賜批示遵行實為公便肅稟恭請 勛安伏乞 垂鑒

督憲楊 批據稟已悉仰運司核議飭遵具覆並移工藝總局查照稟抄發此繳

文告錄要

學部批示○四川夔州中學堂監督劉聲元等稟陳本學堂情形請本省學司查核由 批據稟已悉該堂既係三十一年四月開學應即遵照中學堂定章辦理五年期滿方准畢業除由 部行知該省提學使司外仰即遵照

辦理可也此批○留學生日本中央大學法科畢業黃預鼎呈請更正籍貫由 批據呈悉該生所請於報考底

冊上更正籍貫一節既據取具本旗印結前來自可照准證書發還此批

督憲批示錄要○冀州祝牧蒞申送所屬選舉名冊由 批申冊均悉仰諮議局籌辦處查照飭知抄由批發○正

定縣蔡令濟清稟設統計處由 批據稟已悉仰調查局查照飭知仍飭認真經理此繳○樂城縣葉令士模稟

設統計處由 批據稟已悉查積穀係備荒要舉未便借動所有統計處經費應由該縣另行籌備仰調查局查照飭遵並移布政司知照此繳

天津南段總局傳單○爲再通傳事照得津埠流氓氓極多屢經傳飭各局區隊隨時查明分別片送樓流所安置在案茲查各局區隊管界內男女乞丐沿途跟踪強索者仍復不少於路政警務均有妨碍除分別電傳外合行通飭查禁爲此傳仰各該局區隊遵照卽日內督飭長警嚴行查察分別片送安置不准仍有乞丐滋擾如再任其滋擾情事定將該管官弁查明各記大過決不寬貸勿謂言之不預也其各凜遵勿違特傳

電報錄要

路透電○比利時政府因英國之壓迫聲稱擬將剛果之交涉了結并知照該處兩樹膠大公司謂將樹膠搜集之辦法暫停一年候自由商會設立後再爲核辦其一公司資本九千二百四十鎊已分紅利一百五十萬鎊聞該處須照裁判法改革一切云

又電○美國喀拉佛尼亞省法律處議訂表式不准外人登岸該省知事言此項表式與日本所訂之約並無違背又電○布加利亞與土耳其兩國交涉因列強特別注意現在格外吃緊奧土兩國草約已交土政府改正云

柏林電○列強知照駐布公使反對布國預備軍事問題并知照駐土公使反對土國改正東魯米尼亞邊界聞土政府擬將奧土協約議准云

又電○亞拉伯之米丹納地方回教禮拜堂現被叛兵佔據

新政紀聞

政治

札飭劃定自治區域○江蘇鎮江府承瑞卿太守奉蘇撫陳中丞札飭謂准憲政編查館咨稱近來各省舉辦自治大率紛雜龐濶毫無統一非但難謀自治之普及亦斷不能固結團體速圖成效亟宜仿照各國辦理成法先行劃定自治區域以次陸續推辦自治各事項所有分區之法凡辦理自治地方滿三千戶以上者作爲自治大區由千戶以至二千戶者作爲自治中區其在千戶以下以至數百戶者作爲自治小區其中又須分普通社會自治商業社會自治工業社會自治農業社會自治各種專門社會自治均須按民政部頒行奏定章程各般規則辦理以資劃一而謀實益等因太守奉文當卽轉飭所屬各縣遵照辦理

戒煙公所查驗辦法○河南戒煙公所查驗各員章程刻已訂定照錄如下 一知府直隸州通以下各員無論實缺候補請會商三司察看送所 一在省人員有長差者由各局所總辦察看列表送所 一在省候補州縣以下無差各員暨實缺調省未派長差各員均由開封府知府察看列表送所並仍由各省同鄉官出具表結送查 一現任州縣以下暨省外分道分府各員各由本管道府就近察看列表送所 一候補人員其有請假因差出省者應先分別查明開單存案俟該員等銷假差竣再行核辦 一軍界人員由各統帶察看列表送所 一所有實缺營汛各官由各鎮將察看列表送所 一所有月課投効各員弁均由督練公所及中軍察看列表送所其滿營人員由城守尉仿照辦理 一學界各員請由提學使轉行各學堂監督堂長察看列表送所 一嗣後新到省人員均取具同鄉官保結呈所候驗

學務

徵求各省圖書○江督端午帥客臘咨各督撫文云照得江甯省城創建圖書館業經本大臣奏准在案查圖書之設意在網羅古今載籍以為闡省士紳研求政學之地九流七略所貴兼綜萬籍千緹猶嫌未備查貴省書局所刊官書切實有用無論四部巨編以迄零章片楮凡關係新舊學科中外治術行政沿革風俗異同皆資十架之儲所冀一緘之惠為此合行咨請敬煩轉飭書局即將刊印書籍檢送全分俾獲儲藏具報公誦 添招初級學生○蘇垣師範學堂優級選科簡易科兩科學生經已畢業惟選科學生除由撫憲奏請獎勵舉貢外其餘在堂各生均於臘底一律放年假當由該堂監督鄒詠春翰講議定今春續招初級師範新生二百人須得有高等小學畢業文憑者方為合格已稟明撫憲定期本月十六日起赴堂報名二十日各自親携筆硯來堂考試以定去取云

軍政

禁止武員叩頭請安○浙撫增子帥曾通飭僚屬謁見上司改請安為打躬現湖州協陳子祥副戎傳諭各屬員自宣統元年元旦為始都守千把外委均改請安為打躬常見打一躬有事打三躬至額外隊目仍照常叩頭請安並示諭官廳俾衆週知矣 索還陸軍學生學費○湖北派往東西洋留學陸軍各生丁未戊申兩年回國者有四十一員經陸軍部考驗之後

咨回鄂省供職者僅十一員其餘三十員均經部派往他省當差茲陳小帥以各生出洋留學之學膳費安家費鄂省年支鉅款成材之後均爲他省招用似太便宜爰咨商陸軍部請轉咨各生派往省分督撫將各生留學之費補還鄂省

實業

批准建設溫室○江督端午帥批實業學堂監督黎道稟云查東西各國凡於農事試驗場中無不建有溫室以爲植物營養之所據稟爲圖農學進步擬請仿造以資研究所有建築工程由日本技匠承攬包辦察閱所訂包約尙屬周妥應准照辦所需工料銀洋一千六百五十元應由該場開辦經費存餘項下開支分作三次給發費成該匠照約建造務須工堅料實不得稍有偷減工竣詳請派委驗收以昭核實

創設工業試驗廠○皖省休甯縣職員丁曰雲等糾合同志擬於今歲創設試驗廠一所爰於去臘調查省城工業學堂章程以便集資仿辦並先行擬具簡章數條稟請勸業道轉詳撫憲核示

商務

農工商局裁判簡章○江蘇農工商局議設裁判所以備審理商界交涉事件業經總辦熊秉三觀察手訂簡章詳奉撫憲批准照辦茲錄如下 一本局按照奉省局章添設裁判課員一員詳請撫憲加札委充以專理商人關於商務訴訟之事件 一本局添設裁判課員既係爲專理商民關於商務訴訟之事件或經商會調處原告不甘折服由商會總理移請傳訊者或係原被告不甘折服自行稟請傳訊者皆由本局酌核案情傳知原被告定期集訊由裁判課員秉公審理如被告藉故遷延不到案者札縣飭差守提歸案訊辦 一凡遇有資本殷實體面商人援照諮議局章程五千元資本以上者爲起碼體面商人以有出身及職官爲合格因錢債赴局聲訴者由裁判課員集兩造證人於一室和平調處 一凡係商會移請傳訊案件須由商會備文請訊如係原被告不甘折服自行稟請傳訊者須有妥實殷商舖保乃能准理 一凡係商民訴訟如果原被告既經准理臨時傳訊不到者即限舖保勒交倘有故意延累所控案情無論曲直概行註銷并移知各地方官不得受理該原告案件 一凡係關錢債案件先將經手賬項之人發交妥實殷商取保以便傳訊 一凡關於商務訊理之案件除

本所判發外札發各地方官訊辦者並限令三個月內訊結具報如或有實情糾葛確難訊結者亦應將理由具實申報倘玩延不理由局札催仍然不理者援照農工商部新章詳請撤懲一商會調處案件及地方官訊理案件均須按月呈報本局訊結案件統列月報分爲三門(一商會調處)(二地方官訊結)(三本局訊結均按月呈報撫憲攷核)一本局商務有裁判委員有訊結案件一起者詳請記功一次有訊結十起者詳請記大功一次有訊結數十起以上者由局專案詳請酌委優缺以示鼓勵

商業學堂招考學生○甯垣復成橋商園內江南中等商業學堂定於今春特開新班已擬定章程先行招考其定章大要如下(學籍)江蘇安徽各四成外籍二成惟須照三種辦法一各州縣地方官考送一各學堂升送一各地方教育會學務公所商會保送(程度)預科以高等小學修業二年以上者爲合格本科以普通科學之商等小學卒業者及中學修業一二年者爲合格(學額)本預科各六十名(年額)預科十三歲至十五歲本科十五歲至二十歲(學級)預科四學期計兩年本科六學期計三年(學費)本預科連閱均二十九元(報名)以己酉正月十五爲止

要

件

章程類

憲政編查館奏定城鎮鄉地方自治選舉章程

(續)

第一章 總綱

第一條 凡選舉及被選舉資格按照城鎮鄉自治章程所定辦理

第二條 城鎮鄉議事會選舉事宜由城鎮董事會及鄉董鄉佐辦理城鎮董事會及鄉董鄉佐選舉事宜由城鎮鄉議事會辦理

第三條 辦理選舉應設調查及管理各員由城鎮董事會總董鄉董或城鎮鄉議事會議長各就自治職員內酌派充之

第二章 城鎮鄉議事會選舉

第一節 選舉年限

第四條 凡選舉議員每年一次於議員應屆任滿三個月前由城鎮董事會總董或鄉董豫定日期舉行

第二節 選舉等級

第五條 選舉人分爲兩級就選舉人內擇其年納正稅或公益捐較多者若干名計其所納之額足當選舉人全數所納總額之半者爲甲級其餘選舉人爲乙級

第六條 選舉人有所納稅捐之額介於兩級之間者歸入甲級若兩級之間有二名以上所納之額相同者以年長之人入甲級年同者由城鎮董事會總董或鄉董抽簽定之

第七條 兩級選舉人分別各選舉議員半數其被選舉人不必限定與選舉人同級 若議員全數不能平分者先按兩級各分半數其所餘單數由甲級選舉之 若甲級選舉人數少於該級應出議員額數者除各舉一名外其餘額歸入乙級選舉之

第三節 人名冊

第八條 每屆選舉應由城鎮董事會總董或鄉董派定調查員按章查取合格人員造具選舉人名冊所有選舉人及被選舉人均以列名冊內者爲限其照城鎮鄉自治章程僅有選舉資格而無被選舉資格者應於本人姓名項下註明 調查細則由城鎮董事會或鄉董擬訂施行

第九條 選舉人名冊應按名記載姓名年歲籍貫住居年限及完納稅捐年額

第十條 選舉人名冊應於選舉期兩個月以前一律告成存放自治公所宣示公衆

第十一條 宣示選舉人名冊以二十日爲期如本人以爲錯誤遺漏准於宣示期內取具憑證聲請城鎮董事會

總董或鄉董更正逾限不得再請 城鎮董事會總董或鄉董據前項聲請應即日移知議事會公斷

第十二條 議事會自接到前條移知之日起應於十日以內斷定准否若斷定准其更正者應由城鎮董事會總董或鄉董一律更正即作爲確定

第十三條 選舉人名冊確定後應由城鎮董事會總董或鄉董保存如本屆選舉年限內有當選無效及照章應

行補選者所有選舉人及被選舉人仍以列名册內者為限

第十四條 選舉人名册確定後應分繕副本申報地方官存案並交各投票所及開票所各一分備查

第十五條 宣示選舉人名册時應刊印選舉人單一同公布其應載事項如左

一 選舉日期

二 投票所及開票所地址

三 投票方法 選舉日期兩級應分兩日先乙級次甲級

第四節 投票所

第十六條 投票所設於自治公所其自治區域較廣人口較多者得由城鎮董事會總董或鄉董區劃地段分設

投票所若干處

第十七條 投票所由城鎮董事會總董或鄉董派定管理員掌投票一切事宜

第十八條 投票所除本所職員及投票人外他人不得闖入

第十九條 投票所之啓閉以午八時至午後六時為率逾限不准入內

第二十條 管理員於投票畢後應將投票始末情形造具報告連同投票概於翌日移交開票所並報告城鎮董

事會總董或鄉董

第二十一條 投票所自投票完畢之日起十五日以內一律裁撤

第二十二條 投票所辦事細則由城鎮董事會或鄉董擬訂施行

第五節 投票簿投票紙及投票區

第二十三條 城鎮董事會總董或鄉董應按照各投票所投票人數分別造具投票簿並按定式製成投票及投

票區於選舉期十日以前分交各投票所

第二十四條 投票簿應記載投票人姓名年歲籍貫及住所

第二十五條 投票簿應將兩級分別兩册記載

公舉選舉並請其未定

大概情形摺

初五日

學部奏體省方言學堂令改為中學堂摺

又奏各省方言學堂添招學生各辦法片

豫撫林奏酌籌旗丁生計摺

初六日

學部奏兩江師範學堂畢業生照章獎勵摺

江督端奏請獎師範學堂人員並捐款各紳摺

又奏蘇浙梟匪勢衰分起調回甯軍摺

初七日

度支部奏淞滬釐局收不敷支先在蘇州釐局借撥摺

度支部會奏倉糧年久耗多請加額備耗摺

又奏派大清銀行監理官片

又奏派廣州營口各分行總辦官片

初八日

吏部奏核議皖北水災籌賑各員請獎摺

駐藏大臣聯奏開設印書局並辦理陸軍小學堂片

初九日

陸軍部奏議覆東三省總督奏請紅十字會出力武職摺

法部奏開用審判檢察廳並民刑各庭印信摺

郵傳部奏江西鐵路公舉總理並請另刊關防摺
湘撫岑奏湘潭縣株洲地方請移設同知巡檢摺

初十日

度支部奏議覆安徽賑捐展限一年並截止七項常摺

摺

護川督趙等奏邊匪就戮請保兩省出力人員摺

十一日

東督徐等奏遵設奉天法政學堂並實行考驗辦法摺

護川督趙奏續舉人才摺

十二日

度支部奏議覆山東賑捐限滿請再展限一年摺

農工商部奏成都商務總會援案請給關防摺

察哈爾都統誠奏設立礦務總局情形片

新撫聯奏查明竊省並無雜糧摺

黔撫龐奏遵章考試正佐各員摺

十三日

度支部奏議覆川督奏川省礙難停鑄銅元摺

又奏議覆閩省賑捐限滿請再展限一年摺

種布多大臣連奏覆西北全局辦法摺

農工商部會奏擬訂勸業道職掌任用章程摺

東督徐等奏查明同知叅款摺

十五日

學部奏京師各高等小學堂畢業請獎摺

大理院奏審明行使偽造銅元人犯定擬片

署東撫袁會同衍聖公奏稽查登萊青膠學務摺

十六日

吏部奏議覆粵督奏救護遭風輪船出力員弁請獎摺

又奏議覆贛撫奏補用道張季煜等從優議叙片

陸軍部會奏直隸保營官員補行軍政舉劾摺

晉撫等奏開辦調查局情形摺

十七日

禁煙大臣奏禁煙查驗章程摺

又奏添派提調片

郵傳部奏請以候選道詹天佑派充顧問官摺

又奏改刊京張道清各鐵路關防片

十八日

度支部奏議覆慶寬奏官膏專賣辦法暫從緩辦片

江督端等奏江蘇省城開辦自治諮議兩局摺

又奏設立調查局片

署東撫袁奏查勘曲阜

十九日

文廟工程擇要興修摺

外務部奏中日合辦鴨綠江右岸木植公司摺

又奏請以王廣圻等充駐和使署參贊各官摺

又奏請以施紹常等調充駐義使署參贊各官摺

又奏請 賞和國參贊德斯貝寶星片

二十日

外務部奏請改派吳振麟等充駐日本使署參贊各官摺

摺

東督徐等奏請添設州判要缺並酌移州縣治所摺

東督徐等奏擬辦瓊崖墾墾務大概情形摺

江督端奏撥補鹽貨釐金無著請 飭部改撥摺

二十一日

閱兵大臣蔭楊奏校閱陸軍事竣摺

二十二日

都察院代奏湖南紳商請 飭停止官築株昭鐵路

呈

二十三日

吏部奏請 旨簡員補授內閣學士缺並聲明現定

辦法摺

又奏撤保案分別辦法並聲明請 旨摺

又奏會議皖撫奏移回潛港鎮巡檢摺

二十四日

調胃止痛健身良藥



胃疾者鑒○鎮海范冕卿先生自述胃氣及頭痛之症為韋廉士大醫生紅色補丸所醫治 胃部不正則失其消
 化之功而全體漸致受累百病因之叢生矣即如 頭風疼痛 胃脘漲悶 大便閉結 飲食無味 頭目暈眩
 夜不成寐 身體柔弱 四肢乏力等症皆由胃部失調所致也○每有人因受胃弱之苦而欲以瀉藥治之此
 誠惡拙無用之法也蓋瀉藥雖能稍愈於一時究不能全愈其終身况多用瀉藥傷損元神削伐臟腑轉使一切消

化之部皆為軟弱○故最要之藥必須先調其胃使胃有新力能去其積弱之阻
 礙又須滋補其血使血脈潔淨有力更生新血以健肌膚如此則全身消化部之筋
 絡自必活潑有力矣韋廉士大醫生紅色補丸為清補之聖藥久已名馳大陸其
 治 胃不消化 肝經各病 肝汁不和 頭暈頭痛 胃口呆滯以及各種由
 胃而生之症莫不捷於影響試觀海波鎮海縣理會牧師范冕卿先生自述其
 情形可使中國同病之人咸知是丸之益也茲將其保證書錄後云○余四年前
 曾患胃氣頭痛之症睡不安當脾胃虛弱消化之功不能成寐日覺羸弱無力面色發黃頭
 痛難忍余為此疾傳道之士時時停止未能盡職屢載醫藥罔效後承友人
 指示韋廉士大醫生紅色補丸之功遂立意試服幾及兩瓶即覺大有喜色至
 第三瓶則百疾全消痛苦皆止其亦不覺軟弱從此睡夢安甯食量增進消化之
 功亦伴面谷光澤轉已矣余疾之愈可謂獨賴韋廉士大醫生紅色補丸之功也
 請登諸報以為世告○韋廉士大醫生紅色補丸醫治數千萬如范君之病外而

已名馳環球為天下公認之聖藥可治 風濕骨痛 腎肉酸痛 背骨疼痛 筋絡刺痛 胸膈飽悶 氣血兩
 虧 諸虛百損 少年貪老 陽痿不舉 左癱右瘓 腳氣衝心 山林瘴氣 瘡疥斑疹 皮膚諸症以及少
 壯婦女月信不調經來腹痛等症實為濟世之良劑也 中國各處藥局商店均有代售或直向上海九江路B字
 第八號 韋廉士醫生藥局中國總發行處購買亦可 價銀每六樽大洋八元 每一樽大洋一元五角 遠近
 郵費一律不取

本日 田村洋行

本行開設天津日本租界溜米廠專辦東洋帆花彈花紡線織布能織寬窄粗細各樣洋布
 如有貴商賜顧者來本行面議將價定準本行特請洋教習管保教通在本行學習食用外
 邊自便住房分文不取 電話二百三十號 本行詳啓

北洋官報

第一千九百七十冊

告白

日本最近政學調查記廣告

近來游歷日本冠蓋相望日記一書浩如煙海求其見聞確實鈞玄纂要者每不多觀膠州逢

馥齋觀察承項城袁樞相之命赴東攷察政治游歷匝年於政治議會察裁判

監獄軍事學務農林漁業鐵道銀行無不各有心得洞見源流是以載筆成書原原

本本網羅無遺復經日本大隈伯爵高田博士贈以序文推其典麗翔實得未曾有自

嘉應黃氏之日本國志德清傅氏之日本圖經外得此而二久為各當道稱許現當

預備立憲時代有欲研究政學者乎曷手一篇耶所印無多賜顧者請速購為盼

寄售處 天津河北獅子林北洋官報局 及各大書坊 定價大洋一元四角

新考工場內路南教育圖書局



本行開設天津上海香港志呢華海參巖等處均設立有年諸班貨物由外洋本機器廠自造砧
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
鑽石戒指留耳墜鐲子表墜大小八音盒並留聲話匣單雙桶千里眼砧蘭磨花穿衣鏡妝梳洋鏡
大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本
行面議可也 本行主人啟



本號開設(北京前門外鮮魚口)(天津估衣街中間路北)(山東濟南府院西路北)等處
自置綢緞洋貨顧繡粧蟒花素貢絨絨緞各色抖蓬哈啞厚呢以及京廣什貨織絨綫貨各色
俱全貨高價廉劃一不二中外紳商賜顧移玉是幸 瑞林祥元記具

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西商學士
 考驗拉力結力俱高出外洋之貨且機器加大出灰足敷主顧本公司
 之缸磚花磚灰瓦溝管等項無論躉零交易均願購用向有製造
 設在天津海大道英租界先農公司對面北京烟台上海漢口等埠均
 分銷處藉廣招徠如蒙訂購交貨無不從速至價廉貨高久爲中外商
 所信用不待贅述所有本公司各種磚瓦等件尺寸重量式樣及大概用
 刊華洋廣告光顧諸君請向本公司索閱價值一切亦可接洽也
 得待風一千三百九號

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行携帶等件
 精工裝身物料 定織各色縐氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙 官仕紳商推許奏譽遠近周知茲因 北洋
 官醫局之聘除星期外每日早十點鐘起至下午十二點鐘在 官醫局視病其餘時刻仍在本院候診茲將改訂時
 刻開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘
 出診惟星期則整日在院 二凡遇有重要病症除往官醫局時刻外隨時皆可出診不拘時限或有應剖割病症
 隨時來院均可註治 三本醫出診除應收醫金外概不多取如有車夫索費等弊請即告知本院斥辦 四凡來
 病院取藥者無論何時皆可配給 五本醫院備有潔淨養症室上等二間次等五間三等五間看護周到飲食一
 切或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

欲為諮議局議員者鑒

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任甚重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典七角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 本預備立憲過去事實五分 立憲國民讀本三角 議會書 日本議會法規四角 議會政

黨論五角 十六國議院典例一元 日本議員必攜八角 地方自治書 日本議會法規四角 議會政陸市政論四角 地方自治財政論五角 日本議員必攜八角 地方自治淺說三角 此外政法書之尤重要者 法律 有日本法規大全

八十一冊 日本六法全書一元 比較國法學七角 國法學一元 行政法汎論一元 行政法各論六角 民法原論二元 政治 則列國政要三十二冊 政治學一元 那特磴政治學四角 政治汎論二元 萬國國力比較二元 嚴復

社會通詮一元 嚴復羣學肆言一元 嚴復羣己權界論八角 財政 有經濟通論七角 理財新義二元 英國度支考四角 國債論三角 計學教科書一元 理財學講義四角 計學淺訓五角 教育 有日本明治學制沿革

史亞歐美教育實際二元 德國學校制度四角 警察 有警察講義錄五角 雖卷帙較繁 議員苟有餘力而兼治之 則受益無窮矣 尙有諮議局章程箋釋四角 諮議局章程要義五分 諮議局調

查須知五分 諮議局選舉須知一角 諮議局章程表解三分 尤人人所必讀 無待贅言也 (河北大胡同電話五百二十六號)

天津商務印書館廣告